

驪歌酬集

古卿士大夫類具閎偉經世之志山川能賦之才攬物興懷形
諸歌詠意在宣上德而通下情如召公吉甫行役宣勞及成功
相慰勉之作故曰九功之德皆可歌也謂之九歌其關於政治
之修廢與世運之隆否不綦重歟洮遼地處蒙翳榛狃甫闢民
物樸野文教未敷友蘭觀政斯土頗有志於興革利弊整飭政
紀效抒德導情者之所爲簿書填委勞瘁一身每無暇於吟嘯
時局杌隉屢阨於水患兵革澹災固圉僅乃集事竊位三稔碌
碌無所成就以視古賢士大夫處承平運會政簡神閒不動聲
色而使民物熙攘上下歌詠夫成功以爲盛事者爲不可幾及

也受代之日方以膏澤未施於民自疚爲留別詩一章以攄胸臆藉答彼都縉紳士庶思慕祖道之情益懍懍於名實之難副矣迺洮遼縉紳士庶不以友蘭奉職無狀競爲詩歌酬唱揄揚而勗勉之四方朋侶聲氣應求又賡續而恢張之其貺於友蘭者大矣爰依奉和之先後哀集排比付諸剞劂手此一編如與洮遼縉紳士庶上下抵掌論政於一堂也四方朋侶徵逐於樽酒論文之雅集也精神之感召有不期然而然者豈徒娛情翰墨哉抑使他日從政之時用以自省焉

戊辰夏歷三月法庫李友蘭識

卸任洮昌留別各界

并引

承乏是邦倏將三載初意力事振興用副父老期望適三年
中兩次戒嚴又值遼河水漲者再雖亦竭盡心力不過略事
補苴而對於地方要政疏略實多茲屆瓜代回省乃承各縣
各界諸君祖餞慇懃有加無已不禁感與愧并率成七律一
章聊以書懷并希賜和用誌雪泥云爾

洮昌承乏已三年巡視才疏愧昔賢民困焉能資養息商艱猶
自苦顛連蒙人生計籌無策荒陌經營闢未全竊幸戰公來繼
任佇看懋績著旬宣

何寶生和章

巡邊驄馬憶年年循吏眞如漢代賢藍縷諸蕃今治理輶車列

國舊流連

君曾使蘇俄復遊德法諸國

誦芬祖德思無忝退隱衡門善自全遺愛

甘棠謳召芟政書北徼徧傳宣

君卸任時遼源各界及各縣人士祖道相送者二千餘人報紙記載一時傳爲盛事

馬藤溪和章

洮昌我亦任經年都李相承愧兩賢堤築遼河除水患荒開蒙
界看阡連寇君難借瓜期代召伯常留棠芾全東道何時重作
主爭迎繡斧頌旬宣

方立三和章

蕩節開邊憶子年萬流爭仰使君賢
謠襦詠袴歡聲震擔酒携

漿夾道連請命每關民疾苦臨戎終保境安全

公治洮遼以民爲本有病民者輒爲請命兩次

戒嚴屬境均慶安堵

便教書盡南山竹德政循聲略未宣

遼河汎濫自年年此日安瀾賴大賢

每年遼河汎濫頗爲地方之患公到任未幾亦有此虞乃率遼源縣令張元愷

親往巡視督同防堵遂慶安瀾造福無量

威重吏民知讐服

公勤於治事無論案牘巨細必躬親之對於屬吏尤不稍假借故各縣令未敢或越軌範

公餘詞賦任流連

公頗耽文事政餘時以清吟自遣

文翁治蜀風能變魏絳和戎計

萬全

洮昌道例兼遼源交涉員公折衝樽俎無不合宜

江左謝安名藉甚頗聞隣國亦傳宣

公以省議

會議長出任鴨綠江採木公司理事長轉任洮昌道尹所至有聲日本人士亦頗心折也

我是淮陰舊少年趨庭早識李膺賢
西華葛帔三秋敝東郡棠

陰四野連

先君觀察東邊公任鴨綠江採木公司理事長趨庭之餘常相過從得親顏色

一紙劉書叨汲引

由日返國承函荐金州王

公得充奉天財政廳科員

兩年儉府荷矜全

公榮任洮昌道商之王公調任秘書兼一等科員追隨左右凡二稔

未將頂踵酬

恩遇寵命猶勞萬里宣

豫因奉票毛荒虧累日甚乃未及請命即赴汴別謀安視之所公不特不責其負恩且囑徐樹春科長召豫歸

觀風察吏近三年薏苡無端累大賢日照秋毫原洞鑒

公此次辭職純因譴

言晉省謁極峰時溫諭有加囑好休養現在已完全明白等語

雲歸岩岫豈流連

公返省後極峯仍擬昇以要職公力辭不就

攀轅

臥轍黔黎滿舞綵承歡孝道全

公賜諭謂此後擬侍養重闈不復問世

畢竟東山還再

起佇看秉鉞更旬宣

王中孚和章

殫心民瘼已三年績著循良似漢賢潔己胸懷如水淨巡邊砂

磧與天連來時童稚皆歡舞去後甘棠共保全
名宦何須傳政譜蒙荒到處口碑宣

江湖萍泛歎年年入幕忻逢關尹賢
北地萑苻初懾伏南樓風月記流連
商民戴德勤三祝忠孝如公獨兩全
歸去仍憐巢燕冷慙慙恩意再三宣

侯井心和章

救焚援溺憶頻年解組如何遽避賢
遺愛人都思召父賞音我愧負成連
勞旌保障防河決刼歷修羅慶瓦全
佇看東山行再起定傾大計仗承宣

沈夢九和章

小憩東山絲竹年蒼生猶望使君賢樓臺金碧傳思訓

公辦美術
學校頗著

績成

賓客歌筵集惠連詩句更於閒處好性天多向靜中全歸雲

切莫依巖壑他日還須化澤宣

喬漢章和章

御李東陞憶昔年別來善政衆稱賢五原教稼歡聲動合浦攀
車夾道連軒冕久輕襟澹泊荏苒胥靖戶安全蘭臺他日傳循
吏早有英名媲薛宣

金靜菴和章

四十生當強仕年
輜軒聽誦使君賢
徧遊環海詩懷壯
入望邊州月色連
五袴謳吟傳政最
一官歸去養天全
那堪風雨重陽節
採菊東籬憶仲宣

李素忱和章

甘棠遺愛幾經年
敷化由來在位賢
解組歸田閒笑傲
開樽祖帳暫流連
勸農孝弟求兼有
課吏清勤重兩全
報道使君今去也
口碑載道任傳宣

銅馬竹符管領年
栖遑國事最勞賢
循良列傳唐如晦
詩思超羣晉惠連
浸遇洪流施拯濟
患銷兵氣策安全
歸來徙倚陶然

里公居里名松菊情怡樂不宣

徐適文和章

把臂論交二十年無人不道使君賢
森林績久東陞著大尹名高北斗
連恩惠常同遼水永神明養到木
雞全洮昌父老謳歌遍猶說當時
德化宣

馬靖東和章

松陽小別又經年畢竟龍門解避賢
大地雲山供嘯傲重闌風月任流
連難憑赤手謀兼善屢爲蒼生策
萬全放眼看看穿千古事好將心
迹託詩宣

羅紹梅和章

勲勞卓著已三年循吏風規婉昔賢大樹推功何遜讓甘棠遺
愛好流連重闌滄隨欣長潔卅萬編氓盡保全野老至今猶話
舊將公治績共傳宣

鴻猷碩畫著年年萬口同聲共述賢學校人才欣踵接市廛貿
易喜肩連巡尤注重視難緩上旣獲安下亦全一道同風覘雅
化東邊遼瀋羨旬宣

重瞻芝範已經年風度清超邁古賢軒冕却時容嘯傲林泉深
處憶流連古今圖籍摩挲久長幼童孫體智全霖雨蒼生思謝

傳轉旋大業再傳宣

靳邦彥和章

洮昌三載慶豐年大吏巡方勝昔賢
管鑰北門資德望甘棠南國
婉留連價昂牛犢良田闢地種桑
蔴闔境全郭伋再來期異日我公
雅化冀重宣

于景陶和章

天菑兵火憶年年安集懷柔賴大賢
籌墾情殷悲瑣尾治河民免苦顛
連蒙邊風靖恩威著鐵軌功成策
畫全

公兼洮昂路局督辦
於晉謁時頗承指示

仰藉徽猷邀奏績佇看捧檄復來宣

穆聖瞻和章

屈指於今十五年聽經曾得侍高賢當時如被春風坐此日猶
沾化雨連問禮學詩蒙啟發鑄顏雕宰苟成全仲尼相魯雖非
久弟子能將大道宣

曾充代表憶當年衆口交推議長賢

公兩任奉天
省議會議長

爲已爲人心耿

介憂民憂國淚相連萬家憂樂隻身繫千里安危數語全政府

亦知多倚畀東陲採木檄來宣

公曾任鴨綠江採
木公司理事長

厚生利用慶豐年孺子謳歌令尹賢遼水旣平田旣闢商民相
聚軌相連籌邊已有書三上捍患猶能策萬全如此仁心如此

政聲聞遐邇遍傳宣

丙寅孟冬公因事來洮南洮昂路局全體職員設筵恭餞
予忝列職員之一卽席賦呈再疊前韻

脫身榮紱丙寅年數百員司餞大賢旨酒千杯冬雪霽

是日午
前大雪

歌一曲塞雲連

坐中曾課長
爲高歌一曲

利心淡泊名心重初節堅貞晚節全

惜別離亭公去矣德音翹盼日常宣

時于局長致詞請
常賜教以資遵循

李岳東和章

洮昌設道已多年循吏惟公是大賢民戶已蘇荒陌闢甲兵盡
洗頌聲連弭平匪患籌長策疏濬河堤計萬全朱邑桐鄉謳未

已幸留棠芾績常宣

王銘三和章

憶昔帡幪計一年

公長採木公司時新
田曾蒙委爲副技師

提携深感我公賢經營暢論

山林富擘畫勞思晝夜連採木儲材期有造開源利國賴成全
於今重到安東地偉業猶聞衆口宣

李蔭庭和章

窮荒饑饉變豐年政績昭然勝昔賢招撫流民村漸聚開成沃
野隴相連交通便利資籌畫閭里安寧賴保全臥轍攀轅留不
得蒼生日望檄來宣

築路迴思自去年功成身隱佩公賢提携俱托幘幪庇訓誨常
同計畫連數百員司懷惜別幾千工役感生全車輪晝夜循環
轉滿載歡聲遠近宣

高毅之和章

自識荊州十四年萬民爭頌是高賢儲才教育心常樂造福邦
家任再連採木乘輶功第一籌邊築路策安全清風兩袖今歸
去政績聲聞到處宣

海外歸來已隔年邊陲今又遇高賢

本年夏來就洮昂路
事訪公於遼源道署

身遊德法

詩悲壯

公於民國十二年秋赴俄京農業博覽會
便道遊德法歸後著有新俄羅斯遊記

耳聽城鄉頌結連三載考